



IKLAN JAWATAN TIMBALAN NAIB CANSELOR (PENYELIDIKAN DAN INOVASI) UNIVERSITI PENDIDIKAN SULTAN IDRIS

UNIVERSITI PENDIDIKAN SULTAN IDRIS (UPSII) merupakan sebuah Universiti Awam di Malaysia yang ditubuhkan di bawah Akta Universiti dan Kolej Universiti 1971 ingin mempelawa warganegara Malaysia yang berkelayakan dan memenuhi kriteria untuk mengisi jawatan tersebut:

MAKLUMAT JAWATAN

Jawatan	: Timbalan Naib Canselor (Penyelidikan dan Inovasi)
Kumpulan Perkhidmatan	: Pengurusan Tertinggi
Gred	: Gred Utama (B) (VU6)
Jadual Gaji	: Minimum – RM 8,315.00 Maksimum – RM 22,445.00
Tempoh Lantikan Keputusan	: Satu (1) hingga tiga (3) tahun (Tertakluk kepada Kementerian Pendidikan Tinggi)
Taraf Lantikan	: Secara Pertukaran Sementara atau Pelantikan Pinjaman atau Pelantikan Sementara atau Pelantikan Secara Kontrak

1. KRITERIA PEMILIHAN

Pemilihan Timbalan Naib Canselor (Penyelidikan dan Inovasi) secara umumnya mestilah berasaskan kepada kriteria-kriteria seperti berikut:

i. Kecemerlangan Akademik

Penyanggah mestilah bertaraf profesor, mendapat *command of respect* dari kalangan rakan sejawat, mempunyai rekod cemerlang dalam penyelidikan, penerbitan jurnal berwasit, inovasi dalam pengajaran dan cemerlang dalam perkhidmatan profesional.

ii. Pengiktirafan Antarabangsa

Penyandang mestilah mendapat pengiktirafan antarabangsa sebagai pakar dalam bidangnya, mempunyai jaringan antarabangsa yang kukuh, pernah menerima pelbagai anugerah dan pengiktirafan dari organisasi terkemuka luar negara.

iii. Kebolehan Memimpin dan Mengurus

Penyandang mestilah mempunyai kemahiran memimpin yang boleh menerajui transformasi, mempunyai gagasan, visi dan misi serta mampu menggerakkan komuniti kampus ke arah budaya kecemerlangan dalam penyelidikan inovasi. Ditambah dengan kemahiran komunikasi dan interpersonal yang mantap. Pengalaman dan rekod kecemerlangan dalam kepimpinan akademik merupakan antara ciri utama dalam menentukan kebolehmampuan calon.

iv. Reputasi

Menjadi contoh terbaik kepada semua peringkat staf, mempunyai pengalaman dan rekod cemerlang yang diiktiraf serta disanjung baik dan dihormati oleh masyarakat kampus dan luar.

v. Personaliti

Penyandang mestilah seorang yang berwibawa, berkarisma, bersahsiah tinggi, kerja berpasukan serta mempunyai motivasi dalaman untuk memacu kecemerlangan universiti. Calon juga mestilah memahami aspirasi Negara untuk membangunkan modal insan bermentaliti kelas pertama.

vi. Lain-lain kriteria yang difikirkan sesuai berdasarkan *niche area* UPSI

- a) Penyandang mestilah mempunyai hala tuju yang jelas untuk menjayakan visi dan misi UPSI sebagai PENERAJU KEBITARAAN PENDIDIKAN.

b) Penyandang mestilah berupaya mengamalkan, menghayati dan membudayakan enam (6) Nilai Bitara UPSI iaitu:

- Berintegriti
- Profesional
- Semangat Berpasukan
- Berorientasikan Pelanggan
- Perihatin Kebajikan Anggota
- Kreatif dan Inovatif

2. KRITERIA KHUSUS

Kriteria khusus jawatan Timbalan Naib Canselor (Penyelidikan dan Inovasi) (TNC (P&I) adalah berdasarkan Garis Panduan dan Kriteria Pemilihan Timbalan Naib Canselor IPTA adalah seperti berikut:

i. **Pengalaman Membida Projek Penyelidikan Dengan Jaya**

Ini merupakan tugas hakiki TNC (P&I). Calon bukan sahaja berpengalaman menjalankan penyelidikan sebagai Penyelidik Utama (PI) tetapi menjadi peneraju IPT masing-masing untuk membida dana penyelidikan dari dalam dan luar negara.

ii. **Mahir Mensintesi Instrumen Komitmen Penyelidikan (*RU Instrument*)**

KPI TNC (P&I) utama adalah meneraju penyelidikan di IPT masing-masing. Calon bukan sahaja mahir mengenai instrumen tersebut tetapi telah menunjukkan rekod cemerlang mentransformasi penyelidikan sekurang-kurangnya di peringkat Institut, Pusat Kecemerlangan (*COE*) atau Fakulti.

iii. **Mempunyai Jaringan Hubungan Yang Luas**

Penyandang mestilah mempunyai jaringan hubungan yang luas dengan industri di peringkat serantau dan antarabangsa. Ini kerana selain bertanggungjawab mendapatkan projek-projek dan geran-geran penyelidikan dari sektor awam dan swasta, penyandang juga bertanggungjawab mempromosikan dan mengkomersialkan hasil-hasil penyelidikan di dalam dan luar negara.

iv. **Berkemampuan Dalam Menguruskan Aktiviti Berkaitan Harta Intelek**

Penyandang mestilah seorang individu yang mampu menguruskan aktiviti-aktiviti yang berkaitan dengan harta intelek seperti penghasilan harta intelek dan latihan yang berkaitan. Ini adalah penting kerana

pengurusan hubungan industri yang berkesan akan memberi pulangan kepada universiti melalui perlesenan dan pengkomersialan.

v. Cemerlang Dalam Penyelidikan, Penerbitan Dan Urusan Pengkomersialan

Penyandang mestilah mempunyai pengalaman yang luas dalam pengkomersialan produk penyelidikan, mempunyai rekod yang cemerlang (*track record*) dalam penyelidikan serta penghasilan artikel berkualiti dalam jurnal berwasit agar penyandang mempunyai reputasi tinggi dan dihormati oleh kelompok sebaya/setaraf.

vi. Berpengalaman Sebagai Penyelia Yang Berjaya

Penyandang mestilah mempunyai rekod yang cemerlang dalam penyeliaan pascasiswazah (Sarjana & PhD) terutamanya dalam mod penyelidikan. Ini kerana penyandang bertanggungjawab menentukan halatuju penyelidikan universiti dan menerapkan budaya penyelidikan (*research culture*) di kalangan ahli akademik dan para penyelidik.

3. CARA MEMOHON

3.1 Calon yang berminat hendaklah mengemukakan surat permohonan dengan menyertakan bersama dokumen -dokumen seperti berikut:

- a) Surat permohonan rasmi
- b) Borang CV Kepimpinan Timbalan Naib Canselor Universiti Awam (Mohon isi seperti format yang diberikan)
- c) *Curriculum Vitae (CV)* yang terkini beserta gambar berukuran passport
- d) *Key Performance Indicators (KPI)* dan ringkasan mengenai perancangan sekiranya dilantik sebagai Timbalan Naib Canselor (Penyelidikan dan Inovasi) UPSI
- e) Dokumen sokongan lain.

3.2 Sebarang pertanyaan sila hubungi:

En. Nazar Mohd Zahidi bin Mohd Azahar

Ketua

Bahagian Governan

Jabatan Pendaftar

Universiti Pendidikan Sultan Idris

No. Tel: 05-450 6957/ 6811 / 6930

E-mel: governan@upsi.edu.my

3.3 Permohonan yang lengkap beserta dengan salinan-salinan sijil akademik dan lain-lain dokumen sokongan hendaklah dihantar kepada:

PENDAFTAR

UNIVERSITI PENDIDIKAN SULTAN IDRIS

5900 TANJONG MALIM

PERAK DARUL RIDZUAN

3.4 Hanya calon yang layak selepas tapisan sahaja akan dipanggil untuk temu bual.

3.5 Tarikh tutup permohonan ialah pada **4 September 2023 (Isnin) jam 12.00 tengahari.**